

The Electronic *Manipulus florum*
www.manipulusflorum.com

Discere g
cum fonte primo

Qui enim diligenter inspicere uoluerit
quid antiqui propter amorem sapientie pertulerint,
quam memoranda posteris uirtutis sue monimenta reliquerunt,
quamlibet suam diligenciam inferiorem esse uidebit.
Alii calcabant honores, alii proiecerunt diuicias,
alii acceptis iniuriis gaudebant, alii penas spreuerunt,
alii contubernia hominum deserentes,
ultimos recessus et secreta heremi penetrantes,
soli se philosophie dedicabant, ut

quantum mente et intelligencia a ceteris differrent,
ipsa locorum distancia demonstrarent
ne una teneret habitatio quos non eadem sociabat intencio.
Cuidam philosopho referebat quidam dicens:
Numquid non uides quia te derident homines?
Et ille: ipsi me, inquit, derident et eos asini.
Cogita si potes quanti estimauerit laudari ab hiis a quibus nec uituperari timuit.

Hugo ibidem (libro III. didascalicon).

qui enim diligenter inspicere uoluerit
quid antiqui propter amorem sapientiae pertulerint,
quam memoranda posteris uirtutis suae monimenta reliquerint,
quamlibet suam diligenciam inferiorem esse uidebit.
alii calcabant honores, alii proiecerunt diuitias,
alii acceptis iniuriis gaudebant, alii poenas spreuerunt,
alii contubernia hominum deserentes,
ultimos recessus et secreta eremi penetrantes,
soli se philosophiae dedicabant, ut
eo contemplationi vacarent liberius,
quo nullis quae uirtutis iter impedire solent cupiditatibus animum subiecissent.
Parmenides philosophus quindecim annis in rupe Aegyptia consedissee legitur.
et Prometheus ob immodicam meditandi curam
in monte Caucaso vulturi expositus memoratur.
quia enim sciebant verum bonum non in aestimatione hominum
sed in pura conscientia esse absconditum, et eos iam non homines esse,
qui rebus perituris inhaerentes bonum suum non agnoscerent, ideo,
quantam mente et intelligencia a ceteris differrent,
ipsa locorum distancia demonstrabant,
ne una teneret habitatio quos non eadem sociabat intentio.
quidam philosopho referebat dicens:
Numquid non uides quia te derident homines?
et ille: Ipsi me, inquit, derident, et eos asini.
cogita si potes, quanti aestimauerit laudari ab his, a quibus nec uituperari timuit.

Hugo de sancto Victore, *Didascalicon de studio legendi*, 3.14
(C.H. Buttimer ed., pp.64-5, ll.20-28, 1-12).